

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. II. Quid sit vitam, & exitum vitae siue mortem animae à Conscientiâ
procedere, explicatur. Nempè quid sit Conscientia tenera, agilis, & viuax;
quid verò Conscientia crassa, dura & emortua. Item ...

urn:nbn:de:hbz:466:1-11367

perdidit , & scelere desit commoueri. Atque hæc est Conscientiæ & cordis symbolizatio , tam varia , quam exacta.

§. II.

Quid sit vitam, & exitum vitæ siue mortem animæ à Conscientiâ procedere, explicatur. Nempe quid sit Conscientia tenera, agilis, & viuax; quid verò Conscientia crassa, dura & emortua. Item maximum peccati supplicium, esse duritatem seu mortem Conscientiæ: & quomodo hæc per peccati consuetudinem, animæ inducatur.

12. **L**Ubet tamen quæ paucis mōdō de Conscientiæ interitu dixi, pluribus exponere , vt quanti sit momenti Conscientiæ sedula custodia , clariū intelligatur. Id enim probè obseruandum est , quoties peccatum mortale , siue suggestione Dœmonis, siue carnis petulantia , siue imbecillitate mentis , siue etiam peruersitate admissum est; non illico sic emortuam esse animam, vt spectato gratiarum , quas Deus exhibere solet , generali cursu, de salute æternâ peccatoris desperatum sit : verum si eo in euentu Conscientia nihil quidquam perturbetur ; actum est. Conscientiâ verò profligata , omnia sunt amissa : eā emortuā , nihil quidquam yitæ est super ; quia in ipsa , exitus vite. Ain vero inquis, an etiam Conscientia potest emori , & omnem sensum boni amittere ? Poteſt ſanè ; & quo pacto tanta clades & mors tam funesta homini rationis compoti obueniat , operæ pretium erit explicare. Aliquæ tamen Conscientiarum differentiæ repetendæ h̄ic ſunt ; quæ licet utcumque à me ſuperiùs ſint declaratæ , h̄oc tamen loco recenſebuntur non incommodè ; & tandem etiam quæ obscuriùs fortaffe dicta ſunt , percipientur clariū.

*Conscientia
potest e-
mori.*

13. **I**mprimis ergo , *Bona Conscientia* dicitur , quæ de actionibus aut faciendis aut etiam factis , judicium fert ſincerum ; prout ſe conuersari in hoc mundo gloriatur Paulus , nempe in simplicitate cordis & ſinceritate Dei ; & non in sapientiâ carnali , id est affectionibus carnis abreptum , commodi inquam studio , aut voluptatum. Dum itaque ſincerè agit Conscientia , & de actioni-

*Que Con-
scientia ſit
bona.*

K k k k 2

bus

bus suis judicat, prout fide bona existimat Deum rationemue eas exigere, bene agit partes suas, etiam si forte a vero aberrauerit. *Mala verò Conscientia* tum dicenda est, cùm præter mentem Dei sibi cognitam, nihilominus, aut quia utile est, aut quia commodum, aut quia carni est volupe, id quod est præ manibus aut præ oculis, judicat contempta voluntate Dei rationisque instinctu posthabito aggrediendum, & actioni quamvis illicitæ nauandom operam. Benè judicantem Conscientiam quæcumque sequitur voluntas, bona est. Mala vero & digna vituperio, quæ destinatò malè ducentis Conscientiæ vestigiis, infaustè inhæret.

*Quæ verò
mala.*

14. Secundo, dum in judicio de rei bonitate aut malitiâ ferendo, *quid sit tenera, seu prompta Conscientia ad agendū bene.* prompta est & facilis, adeò vt ad minimum Diuinæ voluntatis perceptæ momentum, eò feratur quò pondus fert, tum sanè *Tenera* dicenda est Conscientia, & in agendis rebus *delicata*. Neque enim tenera est quæ facile frangitur, aut scandalo alieno percellitur, sed quæ facile ad id quod bonum est inflectitur. Sic aurifabri bilanx, non idcirco de teneritudine laudanda est, quod sit fragilis; id enim materia est vitium: sed quod minimo commota momento aut pondere, illoco in adjecti facomatis partes concedat. Sic quæ tenera est Conscientia, tam exactum tenet in ponderandis & agendis rebus æquilibrium, vt minimo voluntatis Diuinæ adjecto pondere, etiam si præcepto graui non exprimatur, illoco tamen, exemplo Dauidico, *Inclinet cor suum ad faciendum justificationes Dei in eternum*. Contra verò, prout bilances quibus in æde publicâ merces expenduntur, crassaque insistunt hypomoclio, lentiores sunt; adeo vt non facile exiguæ adjecto lanci momento moueantur; inclinantur tamen, licet paulatim atque admodum pedetentim: ita Conscientiam quæ non facile permouetur, nisi graue sit præceptum Dei, & secum peccati mortalis pondus trahat, *crassam* voca aut potius *torpidam*: non quod mala sit; sed quod ad agendum non profiliat, nisi ea quæ sub offensæ Diuinæ & quidem mortalis interminacione imperantur: ad cætera Dei placita, prorsus torpet. Ubi quæ tenerum Diuinæ voluntatis sensum habet Conscientia, & momento solo tangitur, & sic contacta, præcepti onere non indiget vt ad ferendum de actione exhibendâ judicium pertrahatur: tantummodo Dei nutum percipit, atque illoco in id incumbit, quod nutus fert; & voluntatem minimè torpidam secum trahit.

Atque

Psal. 118.
v. 110.

*Quid erat
sa. & tenta
ad agendū
dum.*

Atque hæc est in agendis rebus teneritudo Conscientiæ: promptitudinem voca, & idem dixeris: nam hæc ab illâ est; ut bilancis promptitudo tota, à teneritudine est hypomoclij; lentitudo autem ab hypomoclij est crassitie; cuius renisum, pondus exi-

gnum aut non superat, aut superat pedetentim.

15. In euitando autem malo *tenera Conscientia* est, quæ vt sese mali species menti ingerit, aut etiam phantasie tantum subit penetrare, illico percellitur: perculsa verò, etiam voluntati terrorum incutit, malumque vt caueat, sedulò adhortatur. Sic sane cordis teneritudo in hoc est posita, vt quoties sanguis grauior accurrit, aut venenato vapore inficitur & à quo per vim opprimitur; illico alteretur cor, pulsu per arterias edito inimicum prodat, & totum corpus quasi conciter, vt sibi adjumento sint membra omnia, medicinisque adhibitis infestus hostis depellatur, Ubi hoc quoque animaduertendum est, quod quò tenerius est cor, & temperamenti magis exacti, eò & promptior est cordis perturbatione, & plura subrepentis mali, toto corpore emicant indicia. Teneræ inquam Conscientiæ est, ad mali conspectum percelli, atque illico diffidentem sui, præsidium è cœlo poscere, sibique interim advigilare quantocius. Et quò mens est delicatior, hòc etiam & perturbatur facilius, & auxiliij rationes omnes circumspicit enixiùs. Neque tamen scrupulosas Conscientias, teneras voco: hæc enim, Conscientiæ nomen non merentur, vt pote quæ non judicio aguntur, sed peccatorum apprehensionibus omnino stultis, rerumque falsis phantasmatis, Tenera Conscientia, vera mala & dijudicat, & perhorrescit, & tandem cauet.

16. Ubi contra quæ pinguior est & temperamenti crassioris, ad conspectum peccati mortalis non admodum perturbatur; neque voluntatem periculi admonet; neque subingressas in mentem aut phantasiam criminum suggestiones & scelerata phantasmata, aut timet aut fugat; quin potius iis colludit & delectatur. Quid dicam? admittitur à Conscientiâ hâc impurus sanguis: neque per judicij acrimoniam à fœcibus depurgantur cogitationes improbae; sed prout sunt & prout fert casus, ad voluntatem emittuntur, iisq; circumplexa, consensum tandem præbet sceleri. Quodque omnino est pessimum, ne tunc quidem, cum admissum est flagitium, alteratur Conscientia; sed ruinam animæ spectat impauida. Sic cor rusticum, graui terrenoque assuetum sanguini aut pabulo,

K k k 3

*Quid sit
tenera
Conscientia
in fugiendo
malo*

*Crassa
Conscientia
in fugiendo
malo quid
sit.*

non

non multū veneno intromisso perturbatur , quō tenerum & delicatum suffocaretur & fatisceret. Imo Mithridatem legimus, veneno , quod per gradus semper grauius attemperatum sumpserat , ita assuesactum ; vt tandem quod præsentissima aliis fuisset mors , in quotidianum ei verum sit , naturæque jam accommodum alimentum.

*Quia sit
mortua
Conscien-
tia, aut
sine sensu.*

Atque hinc tandem elucescat , quid sit Conscientia indurata , 17. sine sensu , emorta , quam D. Paulus cauteriatam appellat , & quibus passibus in mortem eatur tam infastam. Talis Conscientia est , quæ nec ad scelera committenda expauescit , nec commissis perturbatur ; sed contra potius , vti Propheta ejusmodi peccatores describit , *quasi aquam bibunt iniquitatem* , id est facillimè ; nec tantum facillime sed & jucunde ; vtpote quibus jam scelera , naturæ facta sint pabulum. Testatur id Deus ipse ; *vua eorum vua felis dicit botri amarissimi.* Fel draconum , *vinum* Iob. 15. v. 16. *eorum, dicit venenum aspidum insanabile.* Ecce , vt peccatoribus *vina* Deut. 32. v. 32. 33. *jam facta sint potusque suauissimus* , quæ tamen cruditate suâ non tantum inficiunt animum , sed & mortem afferunt.

*Maximum
est pecca-
torum sup-
plicium en-
a Conscien-
tia non
sentiri : ex-
tremum
verò ea
etiam dul-
cescere.*

Ne tamen tibi abbländire , quisquis boni sensu adeo es destitutus ; summam enim irritati Numinis indicium est , peccati virus non sentire ; & postrema desperata ue calamitas , ita profligatum & peruersum esse animi sensum , vt tanta veneni amarities , etiam dulcescat . Per hanc sanè peruersitatem judicij , Israelitarum sceleribus lassatus Deus , se tandem de iis vindictam sumpturum minitatur . *Confortauerunt* , inquit , *manus pessimorum , et non con-* Ierem. 23. *uerteretur unusquisque a malitia sua.* *Facti sunt mibi omnes ut Sodoma , dicit inhabitantes eius quasi Gomorrah.* Itane verò ? simili ergo puniantur suppicio , qui pares sunt scelere . Quin & majora ingeram , inquit Deus . Qyæ ? Audi . *Propterea haec dicit Dominus : Ecce ego cibabo eos absinthio , dicit potabo eos felle.* Quasi si dicat ; tantam eorum palato vicissitudinem inducam , vt non modò peccati amarorem auersatur non sint , sed illud , instar cibi appetentes famelici , posituri sint quinimo in deliciis . Quid verò deinde ? an enim hoc tam ingens est supplicium ? Est sanè . Eò enim calamitatis cum deuenerint , tum sanè castigabit eos Deus , supplicisque exercebit grauissimis , sine ullâ emendandæ vitæ , poenasque euadendi suspicione : quod profectò malorum omnium est extremum . Etenim qui Conscientiae motus & pulsus

sus percipit, si quando Dei castigantis manum sentit, admoneatur illico sceleris cuius amarorem in pœna ingestâ persentiscit; & sic tandem redit ad officium, Deique à se flagella per pœnitentiam amolitur. At cui scelera non tantum in naturam, sed & in delicias sunt conuersa; is sanè, vti scelus non percipit, ita & quæcumque obueniunt flagella, non interpretatur Dei sepe vindicantis esse supplicia; sed vel casu sibi obuenisse existimat, vel natura morbos esse, vel ætatis fatisceptis ægritudines, vel ex alienâ esse malitiâ quæcumque patitur; numquam vero Dei, mala per hos, tanquam per instrumenta, immittentis manum agnoscit: neque anteactæ per summam licentiam vitæ credit esse supplicia, qui scelerum commissorum Conscientiâ jam non tangitur. Cru- ciantur itaque non ut emendentur, sed vt orbi sint exemplo: justitiæque Diuinæ terrorem aliis dum incutiunt, alieno meden- tur sceleri, qui non terrentur suo.

19. Vides nunc denique, tandem indurari Conscientiam & emori; cuius sanè mors aliud quidquam non est, quam justitium perpetuum, aut cessatio judicii quod de bonitate aut malitiâ actionum solebat ferre: nihil etiam pensi habens quid rectum sit aut honestum; sed quid vtile tantummodo, aut jucundum. Indurati- nem autem hanc aut mortem Conscientiæ, non alia cauſa inducit, quam diuturna peccandi consuetudo & scelerum assidua ag-

*Conscientia
mortua est
que de a-
ctionibus
nihil judi-
cat ex ra-
tione aut
mente Dei.*

*Boni sen-
sum amit-
tit consue-
tuſine pec-
candi.*

*Jerem. 30.
v. 14. 15.* inimici percussi te infelix Israel: nam propter multitudinem iniquita- tis tue, dura facta sunt peccata tua. Quid clamas super contri- tione tua? quod scilicet tam inimicè tecum agam: *Insanabilis* est dolor tuus: propter multitudinem iniquitatis tue, ♂ propter dura peccata tua, feci haec tibi. Attendum nunc est tantummodo, quibus paulatim passibus tanta Conscientiæ durities ob- ueniat; aut sensum boni malique amittat.

20. Et primò quidem, vti Mithridates exigas initio veneni guttas assuefaciendo stomacho, non tamen sine aliquâ cordis affe- ctione & renisu instillabat; ita prorsus peccatorum species ad voluntatem allabuntur primò, iisque voluntas impletitur & con- sentit; reluctante tamen admodum Conscientiâ: adhuc enim tenera est & vitæ plena. Judicat itaque factum male, sententiâ suâ mentem torquet, facitque ut se sui pudeat. Deinde accres- cente scelerum ysu, deteritur paulatim omnis pudor, & debita

*Peccatur
primò cum
Conscientia
moru &
renisu*

*Deinde pu-
dor amit-
tur, &
Con-*

reuerentia Conscientia reuerentia profligatur. Tandem consuetudine de-
libuta voluntas, peccatorum sordibus plenè delectatur; & vo-
lupe jam sit agere, quæ antea non sine aliquo, & quidem non-

numquam grauissimo, aggrediebatur animi cruciatu. Unde au-
tem nunc tanta promptitudo & facilitas? Cessant nimurum Con-

scientiæ judicia: affectionum enim clamoribus præpedita, &
carnis naturæque fuligine excœcata, quidquid siue per oculos, si-
ue per aures, siue per tactum, siue per gustum, siue per phan-

tasiam, internasque potentias ad mentem appellit, injudicatum
& ab omni cœsat iudicio.

an liceat an non liceat, atque indemnatum si non liceat, volun-
tati exhibet: atque eccum Conscientiæ justitium. Quin imò, ne

periculi quidem incurrendi mentem admonet, nec vlo officij

sui munere defungitur; prorsus sine motu est: atque eccum,

Conscientiæ mortem vltimam, ad scelera non moueri. Excita-

bitur tamen à fatali veterno tandem in mortis articulo: & quod

luctuosius est in vltimo judicii subeundi die: sed ad vitam reuoca-

bitur in luctus tuos infelix anima; viuet illa, vt morte peiùs te

excruciet, perpetuumque tibi vitâ suâ sit tormentum.

An nullum inquieris tanto malo supereſt remedium? Profecto,
 vt clarè loquar, si ordinarium naturæ, imò & Gratia spectas or-
 dinem, nullum est super, *in peccatis suis morietur.* Quo pacto e-
 nim à peccato desistet is, qui ejus dulcedine dementatus, de ma-
 litiâ nil quidquam judicat? Emortua jam dudum es! Conscien-
 tia, *et in ipsâ, exitus vite.* Scio equidem Gratia prodigo, ad
 pristinum sensum à morte reuocari posse: & quidem ad ostend-
 ationem artis, famamque misericordiæ consequendam, nonnul-
 lorum profligatissimam Conscientiam à Deo fateor emollitam.
 Sed quis salutis æternæ negotium miraculis *si nus credat?* id est,
 quis Gratia præter communem cursum sibi dandis, æternitatis
 causam, nisi stultus sit, committat? Certè consultissimum est
 Salomonis monitum, *Omni custodiâ serua cor tuum* id est Con-
 scientiam: primò quidem *quia ab ipsâ, vita procedit,* id est actionum
 omnium humanorum decor, laus, & concinnitas. Deinde
 eius curam diligenter gere, *quia in ipsâ, exitus vite.* Conscientiæ
 planè extinctâ, perdita est omnis res, quia desperata est penitus
 salutis spes. Utrumque vti credo, manifeste satis exposuimus.

21.

Ioan. 8.
v. 21.

§. III.

